

Verbâl de riunion dal Comitât Diretîf dai 25 di Zenâr dal 2019

Clamât adun cun letare dai 7 di Zenâr dal 2019, prot. nr. 2/19, vinars ai 25 di Zenâr dal 2019 aes cuatri e mieze sore sere si à dât dongje a Udin, te sede di Vie Manin 18, il Comitât Diretîf de Societât Filologjiche Furlane par discuti dal ordin dal dì metût ca sot:

1. Leture e aprovazion dal verbâl de volte prime;
2. Comunicazions dal President;
3. Belanç consuntîf 2018 e belanç preventîf 2019: relazions pal contribût regionâl;
4. Variis se a ônd è.

Ae clamade dal President Vicario a rispuindin i conseîrs:

Alberta Bulfon, Vittorina Carlon, Carlo del Torre, Pierino Donada, Anna Madriz, Renzo Medeossi, Gottardo Mitri, Paolo Pastres, Claudio Petris, Pier Giorgio Sclipa, Odorico Serena, Celestino Vezzi, Carlo Venuti.

Si son justificâts:

Pier Carlo Begotti, Silvio Moro, Giuliana Pugnetti.

No son:

Donatella Cozzi, Giovanni Frau, Roberto Frisano, Adriana Janehil', Stefano Morandini, Gianni Sergio Pascoli, Lorenzo Pelizzo, Claudio Romanzin.

Al è nomenât Segretari Feliciano Medeot, Diretôr de Societât.

Pont n. 1 dal o.d.d.:

Leture e aprovazion dal verbâl de volte prime.

Il Comitât Diretîf al fâs bon a la unanimitât il verbâl de riunion dai 21 di Setembar dal 2018.

Pont n. 2 dal o.d.d.:

Comunicazions dal President.

Il President al informe il Comitât Diretîf che:

- te leç finanziarie regionâl al è stât confermât l'âmpuart dal contribût regionâl a 320 mil euros e, cun di plui, simpri te leç al è stât ricognossût il progjet Docuscuele tant che Centri Regionâl di documentazion, ricercje e sperimentazion didattiche pe scuele furlane no dome cuntun specific cjapitul dal belanç regionâl, ma ancje cuntun articul di pueste dentri de Leç regionâl 13/2018 che e proviôt interventi in insiorament de ufierte formative dal sisteme scolastic regionâl;
- il Comun di Gurize al à fat buine la propueste de Filologjiche di meti a disposizion de Societât la cjase indulà che al è nassût Graziadio Isaia Ascoli intal ghet de citât par fâle diventâ sede de Societât pal Friûl di Jevât. Cumò si varà di meti la furnidure, e meti sù une mostre dedicate propit a Ascoli e aes lenghis di Gurize;

- la Filologjiche e je stade clamade in judizi pe sede de Pordenon pes pierditis di aghe che de terace e finîs sul sufit de proprietât dacîs de sede;
- il Comitât Diretîf al vignarà clamât dongje ai 22 di Fevrâr par scrutinâ lis propuestis di modifiche dal Statût de Filologjiche daûr des normis di riforme dal Codiç dal Tierç Setôr o su altris modificchis o integrazions dal test cumò in vore, par fâ buine la liste dai candidâts pal rinovament dai orghins diretîfs de Societât e dal Statût de Associazion pal Teatri Stabil furlan.

Sul rinovament dai orghins diretîfs de Societât a intervegnin:

- Petris, che al propon di fâ sotscrivi ai candidâts un impegn morâl a partecipâ aes riunions e aes ativitâts de Societât;
- Vezzi al domande di vê la liste dai socis di ogni zone par proponi candidaturis pai orghins diretîfs;
- Mitri al rimarche la impuartance dal fat che a son i candidâts che a àn di proponisi, no si à di proponiju.

A ducj ju intervents al rispuint il President.

Pont n. 3 dal o.d.d.:

Belanç consuntîf 2018 e belanç preventîf 2019: relazions pal contribût regionâl.

Il President Vicario al presente al Comitât lis relazions dal Belanç consuntîf 2018 e preventîf 2019.

Il Tesorîr al presente i prospets dai Belanç consuntîf 2018 e preventîf 2019.

A intervegnin:

- Vezzi che al declare che si astignarà de votazion dal belanç par pocâ lâmpegn de Societât viers la Cjargne e la sede di Tumieç;
- Petris che al declare che si astignarà de votazion dal belanç par vie che no i vegnin dadis lis informazions sul numar dai socis, in regule cul paiament de cuote.

A ducj ju intervents a rispuindin il President e il Tesorîr.

Il President al met duncje ai vòts la aprovazion des relazions e dai prospets di belanç: il Comitât Diretîf al fâs bogns ducj i documents a maiorance, che a passin cussì a la Assemblee dai socis pe aprovazion definitive; tal stes timp al da mandât al Uffici di Presidence di prontâ la version definitive dai belançs e de documentazion, mudant ce che al à di jessi gambiât in reson de documentazion aministrative che e je inmò daûr a rivâ.

Pont n. 4 dal o.d.d.:

Variis

Serena al propon di domandâ al Ministeri de Istruzion Publiche la consegne de medaie dâur ae Societât Filologjiche Furlane pal so impegn pe scuele furlane.

La propueste e ven fate buine dal Comitât Diretîf.

La riunion si siere a lis 17.40.

Il segretari verbalizant

Feliciano Medeot